

«Եւ նորա բազում ինչս խոստացան տալ նմա, թէ ուրանայ գրիստոս և շատ ջանացին ողորանօք, և դարձեալ ըսպառնալիօք ահացուցանել զնա, և ոչ կարացին խախտել ի հաւատոց Քրիստոսի, զի հաստատեալ էր հիմն ի վերայ վիմին:

«Եւ ապա հատեալ ի վերայ նորա վճիռ մահուան:

«Իսկ նա զգեցեալ էր զհոգին սուրբ և լի էր շնորհօք և զօրութեամբ և հաւատով, ոչ երկնչէր ի շանցն, որ պատառէին զնա, և ոչ վախէր ի գայլոցն, որք ծարաւէին արեան նորա. եկեալ Աստուածային շնորհացն իջեալ ի վերայ նորա, լուսափայլէր իբրեւ զհրեշտակի պատկեր նորա: Զօրութիւնն Քրիստոսի բնակեալ էր ի նմա, և նովաւ պայծառանայր ի մէջ սպանողացն, տեսիլ նորա, որպէս գտեսիլ Ստեփաննոսի նախասարկաւագին Քրիստոսի:

«Ոչ երկնչէր ամենեւին ի մահուանէ, և վկայէր Լուսափայլութիւն երեսացն, լի էր հոգւով սրբով, և արժան էր վկայ լինել որդւոյն Աստուծոյ՝ իբրեւ գՊօղոսն:

«Դարձեալ զօրացաւ վկայն Քրիստոսի ի մէջ անօրինացն, և ասաց առ Դատաւորն, խնդիր մ' ունիմ իրէն, եթէ կատարես, ինձ մեծ երախտաւոր լինիս, և այս է իմ խնդիրն, որ զիս հրով այրես ի նշանակ սիրոյ իմոյ առ Քրիստոս, զի վառեալ եմ ի սէրն Քրիստոսի:

«Յայնժամ մի ոմն անհաւատիցն եհար ուժգին հաստ բրբրով ի գլուխ սրբոյն, մինչեւ ուղեղն արիւնխաւուն յերեսն ի վայր թափեցաւ, բայց նա գոհանայր զԱստուծոյ, որ հասոյց զինքն մարտիրոսական նահատակութեան: Յայնժամ զրոհ տուեալ բազմութեան ամբօխին՝ քարկոծ արարին զնա, և ապա զմարմինն հրով այրեցին, և ի գիշերին այնմիկ լոյս պայծառ ծագեաց ի տեղի կատարման սրբոյն ի վերայ այրեցեալ մարմնոյն, զոր ակներեւ տեսին ամեն այլազգիքն: Կտարեցաւ սուրբն Սահակ յապրիլի ժժ. ի թուականիս ԸՃ և ԿԶ (յամի Տեառն ՊԿԶ. 1417.) և է բարեխօս վասն կարգացողաց վկայութեանս և լսողաց. ամէն»: